



ԼՈՒՐԵՐ ՀԱՅԱՍՏԱՆՅԱՅՑ ԵԿԵՂԵՑՈՒ ԹԵՄԵՐՈՑ

ኮ ህ ሠ ፤ ኮ ሠ

ՀԱՆԴԻՊՄԱՆ ԵՐԵԿՈ

ՌՈՒՍԱԿԱՆ ԵԿԵՂԵՑՈՒ ՆՈՐԱՀԱՍՏԱՏ
ՄԱՏՈՒԱՆ ՕԾՈՒՄԸ ՄԻՒԱՆՈՒՄ

Մեղա քաղաքի քաղաքապետարանի նախաձեռնությամբ 1972 թվականի նոյեմբերի 27-ին տեղի «Տղամարդկանց աուդիտորիում»-ի ընդարձակ սրահում տեղի է ունեցել «Բանդիպման երեկո» հայերի հետ: Հանդիպմանը ներկա է եղել մի հոծ բազմություն, որին մաս են կազմել շատ հայեր Միլանից:

Հանդիպման ընթացքում ուղերձերով հանդես են եկել Մեղայի քաղաքագլուխը, կաթողիկե եկեղեցու եպիսկոպոս, անվանի գրող մոնսեյնյոր Է. Գալքիստին և Միլանի հայոց հոգևոր հովիվ տ. Զգոն եպիսկոպոս Տեր-Հակոբյանը:

Օրվա գլխավոր բանախոսն է եղել Վենե-
տիկի Միխիթարյան միաբանության անդամ
Ռայր Ռաֆայել Անտոնյանը, որը տպավո-
րիչ մի դասախոսությամբ ներկաներին ծա-
նոթացրել է Հայաստանի աշխարհին, նրա
պատմությանն ու մշակույթին: Այս իտա-
լացի ճարտարապետ պրոֆ. Ա. Նովելլին
պատմադիմացիորեն լուսապատկերներով ցու-
ցադրել է Հայաստանի տեսարժան վայրե-
րը, նրա մի շարք պատմական հուշարձան-
ները և արժեքավոր նմուշներ հայկական
արվեստներից:

Հանդիպման ավարտին տ. Զոհն եպիսկոպոսը օրհնության և գնահատանքի ջերմ խոսքեր է ուղղել Մեղայի քաղաքապետարանին, իտալացի ժողովրդին և հատկապես հնազեւտ յարն. Աուգուստո Կասսինային, որը, վերջերս վերադառնալով սուրբ Էջմիածնից, նախաձեռնողն է եղել այս հանդիպման:

Տեղական ուղիոն և մամուլը լայնորեն արձագանքել են էկոմենիկ ոգով կազմակերպված սույն բարեկամական հանդիպմանը:

Ռուս պրավոսլավ եկեղեցին Մոսկվայի պատրիարքարանի հովանավորությամբ վերջերս Միլանի մեջ հաստատել է մի մատուռ և կազմակերպել հոգևոր հովվություն: Մոսկվայի պատրիարքարանի՝ Արևմտյան Եվրոպայի Էկզարխ միտրոպոլիտ Անտոն Բլումբ անցած ղեկսնմբերի 17-ին կատարել է նորահաստատ մատուռն օծումը պաշտոնական մի հանդիսությամբ, որին մասնակցել է նաև տ. Զգոն եպիսկոպոսը հատուկ հրավերով: Հանդիսության ընթացքում սրբազանը շնորհավորական մի ուղերձ է արտասանել հաճուի Ամենայն Հայոց Վեհափառ Հայրապետի և Միլանի հայ վեհապաշտպաների:

Ս. ԾՆՆԴԻ ԱՐԱՐՈՂՈՒԹՅՈՒՆ
ՄԻԼԱՆԻ ԱՆԳԼԻԿԱՆ ԵԿԵՂԵՑՈՒՄ

Դեկտեմբերի 17-ին Միլանի անգլիկան եկեղեցում տեղի է ունեցել ս. Ծննդի հսկման Էկումենիկ արարողություն, որին ներկա է եղել տ. Զոհն եպիսկոպոսը, կարդացել վերջին Ավետարանը և ներկաներին տվել արձանատի օրհնությունը:

Դեկտեմբերի 19-ին ևույն եկեղեցում միտրոպոլիտ Անտոն Բլումբ կարդացել է մի շահեկան դասախոսություն «Եկեղեցի» թեմայի շուրջ: Օրվա նախագահությանը մաս է կազմել տ. Զգոն սրբազանը, որը, հավարտ դասախոսության, հանդես է եկել փակման խոսքով՝ ջերմորեն գնահատելով եկեղեցիների համագործակցության և միության նպատակին ուղղված սույն օգտակար նախաձեռնությունը և իր օրհնությունները բաշխելով հավատացյալ ներկաներին:

Ս. ՊԱՏԱՐԱԳ ՎԱՍՆ ԽԱՂԱՂՈՒԹՅԱՆ ԱՇԽԱՐՀԻ

Նոր տարվա երեկոյան Միլանի հուշակալոր Դուոմո տաճարում Միլանի կարդինալ Զոլվանցի Կոլոմբոն մատուցել է պատարագ վասն խաղաղության աշխարհի: Պատարագի հանդիսավոր արարողությանը ներկա լինելու համար հրավիրվել են հայ առաքելական, հույն օրթոդոքս և անգլիկան եկեղեցիների հոգևոր ներկայացուցիչները: Բարոգի ընթացքում կարդինալ Կոլոմբոն մեծարանքի ու եղբայրական սիրո ջերմ զգացմունքներ է արտահայտել աղոթքին մասնակցող քույր եկեղեցիների բարձրաստիճան հոգևորականների նկատմամբ և ողջույնի պահին ողջագուրվել նրանց հետ սիրո համբույրով:

Հավարտ պատարագի մեծարգո հյուրերը կարդինալի և տասնյակ եպիսկոպոսների ու ալլ պաշտոնական անձնավորությունների ուղեկցությամբ, թափորով առաջնորդվել են արքեպիսկոպոսարան, ուր քույր եկեղեցիների ներկայացուցիչների պատվին տրվել է ընդունելություն:

Հետևյալ օրը «Ավենիեր» և իտալական մյուս օրաթերթերը լուսանկարներով և մանրամասն տեղեկություններով արձագանքել են սույն հանդիսությանը:

ԷԿՈՒՄԵՆԻԿ ՊԱՇՏԱՄՈՒՆՔ «ԱՂՈԹՔԻ ԾԱԲԱԹ» ՎԱՍ ԱՌԹԻՎ ՎԱՍՆ ՄԻՈՒԹՅԱՆ ՔՐԻՍՏՈՆՅԱՆՆԵՐԻ

«Աղոթքի շաբաթ»-վա առթիվ հունվարի 19-ին Միլանի Դուոմոյում տեղի է ունեցել Էկումենիկ պաշտամունք վասն միության քրիստոնյաների: Կրեմայի եպիսկոպոս Կարլո Մազիանայի հրավերով պաշտամունքին իրենց մասնակցությունն են բերել նաև հայ և անգլիկան եկեղեցիների ներկայացուցիչները: Արարողության սկզբին եկեղեցու բեմի առաջ երեք եկեղեցիների հոգևոր պետերը փոխանակել են ի Բրիտոս սիրո և խաղաղության համբույրը: Տ. Զգոն եպիսկոպոսը կարդացել է «Բրիտոս ի մէջ մեր յայտնեցաւ»-ի թարգմանությունը և ըստ կարգի մատուցել քրիստոնեական խաղաղության և միության աղոթքը:

Պաշտամունքի մասնակիցները հուզումով են լսել Կրեմայի եպիսկոպոսի՝ Էկումենիկ ոգով արտասանած քարոզը, որի մէջ վիճակավոր սրբազանը վեր է հանել Հայաստանյայց եկեղեցու կատարած պատմական դերը քրիստոնեական հավատի պաշտպանության գործում՝ միաժամանակ նշելով Ամենայն Հայոց կաթողիկոս Վազգեն Ա-ի այցելությունը Պոլոս Զ Պապին:

Այս առթիվ ողջույնի ուղերձով հանդես է եկել նաև տ. Զգոն սրբազանը, որի ուղերձը հրատարակվել է տեղական «Տորրեցո» շաբաթաթերթում:

ՄԻՋԵԿԵՂԵՑԱԿԱՆ ՀԱՎԱՔՈՒՅԹՆԵՐ

Հունվարի 25-ին վաղեգական բողոքականների Սֆորցայի սրահում տեղի է ունեցել միջեկեղեցական մի հավաքույթ՝ նախագահությամբ վերապատվելի Սթաֆֆիի: Հավաքույթին ներկա է եղել նաև հայ եկեղեցու ներկայացուցիչը և մասնակցել տարվա միութենական շաբաթվա «Տէր, ուսո՛ւ մեզ կալ յաղօթս» բնաբանի շուրջ ծավալված մտքերի փոխանակությանը և համատեղ աղոթքին:

Նույն օրը, երեկոյան, Վենեցիանի աստվածաբանական վարժարանը, որը Միլանի արքեպիսկոպոսության յոթ սեմինարիաներից մեծագույնն է, հաստատության շքեղ բազիլիկայում համախումբ մի արարողության մի հարգել է «Բրիտոնյաների միության աղոթքի շաբաթը», որին մասնակցել է տ. Զգոն եպիսկոպոսը՝ հաստատության գլխավոր տեսուչ Բ. Չիտտերիո եպիսկոպոսի սիրավոր հրավերով: Հայ եկեղեցու բարձրաստիճան ներկայացուցիչը թափորով առաջնորդվել է բեմ, աղոթք մատուցել և ապա արտասանել հավոր պատշաճի մի քարոզ: Չիտտերիո եպիսկոպոսը իր խոսքի մեջ դրվատանքով է խոսել Հայաստանյայց եկեղեցու քրիստոնեական դերի մասին՝ պատմական հիշատակումներով: Պաշտամունքից հետո տեղի է ունեցել պաշտոնական ընդունելություն հաստատության սեղանատանը, որտեղ հայ եկեղեցու եպիսկոպոսը ներկայացվել է աստվածաբանական վարժարանի ուսանողությանը և դասախոսական կազմին:

Ֆրանսիա

1915 ԹՎԱԿԱՆԻ ՀԱՅ ՆԱՀԱՏԱԿԱՑ ԵՎ ԵՐԿՈՒ ԱՇԽԱՐՀԱՄԱՐՏԵՐԻՆ ՖՐԱՆՍԻԱՅԻ ԱԶԱՏԱԳՐՈՒԹՅԱՆ ՀԱՄԱՐ ԶՈՀՎԱՏ ՀԵՐՈՍԵՐԻ ՀԻՇԱՏԱԿԻՆ ՄԱՏՈՒՑՎԱԾ Ս. ՊԱՏԱՐԱԳ ՄԱՐՍԵԼԻՈՒՄ

Սույն թվականի փետրվարի 11-ին, կիրակի օրը, Մարսելի հայոց ս. Թարգմանչաց եկեղեցում 1915 թվականի հայ մահաւորական և առաջին ու երկրորդ աշխարհամարտերին Ֆրանսիայի ազատագրության համար զոհված հերոսների հիշատակին նվիրված կոթող-հուշարձանի բացման առթիվ տեղի է ունեցել հանդիսավոր պատարագ և Էկումենիկ ժամերգություն ի ներկայության հայ

և օտար հավատացյալների մի հոծ բազմություն: Օրվա պատարագիչն է եղել Արևմտյան Եվրոպայի հայրապետական պատվիրակի՝ հարավային Ֆրանսիայի շրջանի փոխանորդ և Մարսելի եպիսկոպոս տ. Հակոբ Վարդանյանը:

Պատարագին և Էկումենիկ ժամերգության սրբազան արարողություններին ներկա են եղել քրիստոնեական բույր եկեղեցիների հայ և օտար բարձրաստիճան հոգևոր ներկայացուցիչներ և պետական պաշտոնական անձինք, այդ թվում՝ հոռմենական կաթոլիկ եկեղեցու ներկայացուցիչ, Մարսելի արքեպիսկոպոս Ռոմե Էջեգարալը, հայ կաթողիկե համայնքի ժողովրդապետ հայր Հովհաննես Ծ. վրդ. Չոհանյանը, հայ ավետարանական համայնքի վերապատվելի Հարություն Հելվանյանը, Ֆրանսիայի վարչապետի մոտ երիտասարդության և սպորտի հարցերի գծով պետական քարտուղար Ժոզեֆ Կոմիտին, Մարսելի քաղա-

քագլուխ Գաառոն Դեֆերը, Բուշ-Դյու-Ռոնի նահանգի խորհրդի նախագահ Լուի Ֆիդիքերը, Էքսի քաղաքապետ Սիկոլինին և բազմաթիվ այլ պաշտոնական անձնավորություններ:

Էկումենիկ ժամերգությանը ներկա է եղել նաև հրեական համայնքի ռաբբի Մ. Սալգերին:

Հուլիսի 2-ին քաղաքում արարողություններին Էկումենիկ աղոթքներով և ժամասացությանը իրենց մասնակցությունն են բերել տ. Ռոմե արքեպիսկոպոս Էջեգարալը և պատարագիչ սրբազանը: Հուլիսի 2-ին առաջ դրվել են ծաղկեպսակներ, և զինվորական նվագի դղանջի տակ ներկաները մեկ րոպե լուռությամբ հարգել են բյուրավոր նահատակների հիշատակը:

Հանդիսությանց փակումը կատարվել է բոլոր ներկաների կողմից միաբերան երգված «Հայր մեր»-ով և երկու սրբազան հայերի օրհնությամբ:

